

Na osnovu člana 30. stav 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj:2/06), federalni ministar prostornog uređenja i okoliša donosi

**PRAVLNIK
O POLAGANJU STRUČNIH ISPITA IZ OBLASTI
ARHITEKTURE, GRAĐEVINARSTVA, ELEKTROTEHNIKE,
MAŠINSTVA I SAOBRAĆAJA**

I OPĆE ODREDBE

Član 1.

Ovim pravilnikom uređuju se uvjeti, način i program polaganja stručnog ispita (u dačljem tekstu:ispit) iz oblasti arhitekture, građevinstva, elektrotehnike, mašinstva i saobraćaja.

Član 2.

Pravo na polaganje ispita u skladu sa odredbama zakona i ovog pravilnika imaju diplomirani inženjeri, inženjeri i tehničari arhitekture, građevinarstva, elektrotehnike, mašinstva i saobraćaja sa najmanje pet godina radnog iskustva na poslovima i zadacima iz struke.

Član 3.

Na ispitu se provjerava sposobnost kandidata da samostalno obavlja poslove za koje je Zakonom o prostornom planiranju i korištenju zemljišta na nivou Federacije Bosne i Hercegovine, kao jedan od uvjeta, propisan položen stručni ispit.

Član 4.

Ispit se sastoji od pismenog i usmenog dijela.

Pismeni dio ispita sastoji se od izrade pismenog rada iz oblasti arhitekture, građevinarstva, elektrotehnike, mašinstva i saobraćaja, zavisno od vrste i stepena školske spreme.

Član 5.

Usmeni dio ispita sastoji se od posebnog i općeg dijela.

Posebni dio ispita obuhvata odbranu pismenog rada kroz koju kandidat treba da pokaže praktično iskustvo, teorijsko znanje, poznavanje tehničkih propisa i standarda, kao i materije koja je pravno uređena posebnim zakonima i drugim propisima iz oblasti za koju se kandidat opredijelio u okviru struke i smjera.

Opći dio ispita obuhvata poznavanje propisa iz člana 27. ovog pravilnika.

II PRIJAVA ZA POLAGANJE ISPITA

Član 6.

Zahtjev za polaganje ispita podnosi se Federalnom ministarstvu prostornog uređenja i okoliša (u daljem tekstu:Ministarstvo), trideset dana prije početka redovnog ispitnog roka.

Kandidat u prijavi za polaganje ispita navodi oblast, odsjek ili smjer, iz kojeg želi polagati ispit.

Uz prijavu za polaganje ispita prilaže se:

1. ovjerena kopija diplome odnosno svjedočanstva o položenom završnom ispitu srednje škole;
2. potvrda o radnom iskustvu sa podacima gdje i na kojim poslovima je radio i
3. dokaz o uplati troškova za polaganje ispita.

Član 7.

Na osnovu zahtjeva za polaganje ispita i dostavljenih dokaza Federalni ministar prostornog uređenja i okoliša (u daljem tekstu: federalni ministar) donosi rješenje o odobravanju polaganja ispita. Rješenjem o odobravanju polaganja ispita utvrđuje se u kojem ispitnom roku kandidat polaže ispit.

Član 8.

Visinu naknade za polaganje ispita utvrđuje federalni ministar posebnim rješenjem.

Član 9.

Ispiti se polažu u redovnim rokovima: januaru, aprilu, septembru i novembru.

III KOMISIJA ZA POLAGANJE ISPITA

Član 10.

Ispit se polaže pred Komisijom za polaganje ispita (u daljem tekstu: Komisija). Komisija se sastoji od predsjednika i četiri člana.

Član 11.

Predsjednik i članovi Komisije imenuju se iz reda diplomiranih inženjera arhitekture, građevinarstva, elektrotehnike, mašinstva i saobraćaja, ovisno o smjeru ili odsjeku za koji se imenuje Komisija i diplomiranih pravnik, afirmiranih stručnjaka sa dugogodnjišnjim radnim iskustvom u struci. Komisija se imenuje na period od dvije godine.

Član 12.

Za svaki smjer ili odsjek iz oblasti iz člana 27. ovog pravilnika imenuje se posebna Komisija. Komisije imenuje federalni ministar. Posebnim rješenjem imenuje se sekretar Komisije.

Član 13.

Predsjedniku, članovima Komisije i sekretaru Komisije pripada naknada za rad čiju visinu rješenjem utvrđuje federalni ministar.

Član 14.

Administrativni poslovi za Komisiju obavljaju se u Ministarstvu.

IV TOK POLAGANJA ISPITA

Član 15.

Kandidat pristupa ispitu preuzimanjem zadatka za izradu pismenog rada-projektnog zadatka u prisustvu članova Komisije. Izrada pismenog rada-projektnog rada traje najduže četrdesetpet dana.

Član 16.

Prije početka usmenog dijela ispita Komisija ocjenjuje pismeni rad-projektni zadatak i o tome obavještava kandidata.

Član 17.

Usmeni dio ispita počinje odbranom pismenog rada-projektnog zadatka.

O toku polaganja ispita vodi se zapisnik na obrascu koji je u prilogu ovog pravilnika.

U toku odbrane pismenog rada-projektnog zadatka Komisija provjerava da li kandidat posjeduje potrebno znanje iz struke u okviru koje se opredijelio za određeni smjer ili odsjek, da može samostalno obavljati odgovarajuće poslove.

Kandidat koji nije sa uspjehom odbranio pismeni rad-projektni zadatak nije položio ispit i ne pristupa polaganju općeg dijela ispita.

Član 18.

Opći dio ispita kandidat polaže usmeno tako što odgovara na pitanja iz svake oblasti iz programa općeg dijela ispita utvrđenog ovim pravilnikom.

Član 19.

Konačan uspjeh kandidata na ispitu ocjenjuje se prema pokazanom znanju na pismenom i usmenom dijelu ispita.

Odluku o ocjeni uspjeha kandidata na ispitu Komisija donosi većinom glasova.

Uspjeh kandidata na ispitu ocjenjuje se ocjenom "položio" ili "nije položio".

Član 20.

Kandidat koji nije položio ispit ima pravo ponovnog polaganja u narednom ispitnom roku.

Član 21.

Kandidat koji u općem dijelu ispita ne pokaže zadovoljavajuće znanje ima pravo polagati popravni ispit iz općeg dijela ispita u narednom ispitnom roku.

Član 22.

Ako kandidat ne pristupi usmenom dijelu ispita ili prije početka usmenog dijela ispita odustane, ima pravo polagati ispit u narednom ispitnom roku.

U slučaju iz stava 1. ovog člana kandidat ponovo podnosi prijavu za polaganje ispita.

Član 23.

Započeti ispit može se odložiti ako je kandidat zbog bolesti ili drugog opravdanog razloga bio spriječen da pristupi usmenom dijelu ispita.

Komisija odlučuje o odlaganju ispita.

Polaganje odloženog ispita se nastavlja najkasnije u narednom ispitnom roku.

Ako kandidat ne pristupi polaganju odloženog ispita u roku određenom u stavu 3. ovog člana, smatra se da ispit nije položio.

Član 24.

Nakon završetka polaganja ispita predsjednik Komisije saopštava kandidatima rezultate.

Član 25.

Kandidatu koji je položio ispit izdaje se uvjerenje o položenom stručnom ispitu u roku od osam dana od dana polaganja ispita.

Uvjerenje iz stava 1. ovog člana izdaje Ministarstvo na obrascu koji je u prilogu ovog pravilnika.

Uvjerenje o položenom ispitu potpisuje federalni ministar.

Član 26.

Registar o izdatim uvjerenjima o položenom ispitu vodi se Ministarstvu.

Registar iz stava 1. ovog člana vodi se na obrascu koji je u prilogu ovog pravilnika.

V PROGRAM

Član 27.

Program stručnog ispita za kandidate arhitektonske, građevinske, elektrotehničke, mašinske i saobraćajne struke je sastavni dio ovog pravilnika.

1. Osnovna koncepcija

Zadatak za pismeni rad-projektni zadatak treba da bude tako formuliran da omogući kandidatu da pokaže sposobnost samostalnog rada u kojem sjedinjuje praktično iskustvo, teorijsko znanje, poznavanje zakona, tehničkih propisa, normativa i standarda sa najnovijim naučnim i tehničkim dostignućima iz određene oblasti.

2. Pismeni rad-projektni zadatak

Na osnovu vrste i stepena školske spreme, završenog smjera ili odsjeka, vrste poslova koje kandidat obavlja i njegove želje, Komisija utvrđuje vrstu i nivo pismenog rada-projektnog zadatka.

Kandidat dobija zadatak za pismeni rad-projektni zadatak iz jednog od slijedećih smjerova ili odsjeka:

Arhitektura

Odsjeci:

1. arhitektonsko-urbanistički,
2. arhitektonsko-projektantski i
3. arhitektonsko-inžinjerski.

Građevinarstvo

Smjerovi:

1. konstruktivni,
2. saobraćajni,
3. hidrotehnički i
4. organizacija građenja i nadzor gradilišta.

Elektrotehnika

Odsjeci:

1. elektroenergetika,
2. telekomunikacije,
3. automatika i elektronika i
4. informatika i računarstvo.

Mašinstvo

Odsjeci:

1. proizvodno mašinstvo,
2. procesna tehnika,
3. energetika i
4. klimatizacija, grijanje i hlađenje.

Saobraćaj

Odsjeci:

1. cestovni saobraćaj,
2. željeznički saobraćaj,
3. zrakoplovni saobraćaj,
4. poštanski i
5. telekomunikacioni.

U toku izrade pismenog rada-projektnog zadatka kandidat može zatražiti dodatna objašnjenja.

Podloge za pismeni rad-projektni zadatak sastoje se od geodetske osnove, idejnog projekta ili snimljenog postojećeg stanja (zavisno od vrste rada) i teksta projektnog zadatka.

Za specifične projektne zadatke koji se rade na temelju donesenih dokumenata uz ostale podloge prilažu se i navedeni dokumenti ili odgovarajući izvodi.

Komisija će odrediti vrstu i razmjeru grafičkih priloga kao i vrstu i približan obim tekstualnog dijela pismenog rada-projektnog zadatka.

Pismeni rad se predaje u najmanje dva primjerka sa grafičkim priložima i tekstualnim dijelom.

5. Usmeni dio ispita

Usmeni dio ispita obuhvata posebni i opći dio.

A. Posebni dio ispita

Posebni dio ispita predstavlja odbranu pismenog rada.

Prilikom odbrane pismenog rada Komisija provjerava sposobnost kandidata da u rješavanju konkretnih problema primjenjuje teorijska znanja, stečeno praktično iskustvo, kao i važeće tehničke propise, standarde i usvojene normative.

U odbrani pismenog rada kandidat je dužan da pokaže znanje iz oblasti koja je uređena posebnim zakonima i drugim propisima u okviru smjera ili odsjeka za koji se opredijelio.

B. Opći dio ispita

Opći dio ispita je jedinstven za sve kandidate koji polažu ispit po ovom pravilniku.

Program općeg dijela ispita obuhvata:

1. Osnove ustavnog uređenja BiH;
2. Osnove ustavnog uređenja Federacije BiH;
3. Zakon o prostornom prostornom planiranju i korištenju zemljišta na nivou Federacije Bosne i Hercegovine;
4. Radne odnose;
5. Osnove upravnog postupka i upravnog spora i
6. Osnove kancelarijskog poslovanja.

VI PRELAZNE I ZAVRŠNE ODREDBE

Član 28.

Kandidat koji je poslije položenog ispita stekao viši stepen stručne spreme da bi mogao obavljati poslove uslovljene tim stepenom stručne spreme, polaže samo posebni dio ispita.

Član 29.

Danom stupanja na snagu ovog pravilnika prestaje da važi Pravilnik o stručnim ispitima iz oblasti urbanizma, arhitekture, građevinarstva, mašinstva i elektrotehnike ("Službeni list SRBiH", broj:19/90).

Član 30.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

FEDERALNI MINISTAR

Ramiz Mehmedagić s.r.

Broj: 05/1-02-3-119/06
Sarajevo, 21.02.2006. godine

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO PROSTORNOG
UREĐENJA

Broj:

Sarajevo, _____ 20_____ godine

Na osnovu člana 26. Pravilnika o polaganju stručnih ispita iz oblasti urbanizma, arhitekture, građevinarstva, elektrotehnike, mašinstva i saobraćaja ("Službene novine Federacije BiH", broj ___/___) federalni ministar prostornog uređenja izdaje

UVJERENJE
O POLOŽENOM STRUČNOM ISPITU

_____ rođen-a _____ godine
(ime i prezime)

u _____ polagao-la je stručni ispit iz _____
(oblast)

smjera-odsjeka _____ po programu koji je propisan Pravilnikom o polaganju stručnih ispita iz oblasti urbanizma, arhitekture, građevinarstva, elektrotehnike, mašinstva i saobraćaja dana _____ 20__ . godine pred Komisijom za polaganje stručnih ispita i prema ocjeni Komisije

KANDIDAT JE POLOŽIO STRUČNI ISPIT

Uvjerenje se izdaje uz naplatu takse u iznosu od 10 KM u skladu sa Tar. br.55. Zakona o federalnim upravnim pristojbama i tarifi federalnih upravnih pristojbi ("Službene novine Federacije BiH", broj: _____)

MINISTAR

Bosna i Hercegovina
Federacija Bosne i Hercegovine
FEDERALNO MINISTARSTVO PROSTORNOG UREĐENJA

Broj: _____
Sarajevo, _____

ZAPISNIK

Sastavljen dana _____ pred Komisijom za polaganje stručnog ispita iz oblasti arhitekture, građevinarstva, mašinstva, elektrotehnike i saobraćaja, smjer- _____ odsjek _____ kandidat _____ pristupio-la je polaganju ispita.

KOMISIJA U SASTAVU

1. Predsjednik _____,
2. Član _____,
3. Član _____,
4. Član _____,
5. Član _____,
6. Član _____, pravnik

Članovi komisije konstatovali su da je kandidat u **posebnom dijelu ispita** trebao da izradi **projektni zadatak**: _____

U vezi sa pismenim radom Komisija konstatuje da kandidat: _____

što je kandidatu odmah saopšteno.

U usmenom dijelu ispita kandidatu su postavljena slijedeća pitanja iz posebnog dijela ispita:

Nakon završenog usmenog ispitivanja iz posebnog dijela ispita Komisija je odlučila da kandidat _____

U usmenom dijelu ispita kandidatu su postavljena slijedeća pitanja iz **općeg dijela ispita**:

Po završenom glasanju o uspjehu kandidatu je saopćeno slijedeće:

ZAPISNIK VODILA

ČLANOVI
KOMISIJE

PREDSJEDNIK

1. _____

2. _____

3. _____

4. _____

5. _____

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO PROSTORNOG
UREĐENJA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF PHYSICAL
PLANNING

REGISTAR IZDATIH UVJERENJA
O POLOŽENOM STRUČNOM ISPITU ZA OBLASTI
ARHITEKTURE, GRAĐEVINARSTVA,
MAŠINSTVA, ELEKTROTEHNIKE I SAOBRAĆAJA

Red .bro j	Klasifikacijska oznaka, broj i datum izdavanja Uvjerenja	Ime i prezime kandidata, broj osobne karte i mje.izd., JMBG	Datum, mjesec i god. mjesto i drž.rođ. kandidata	Oblast	Datum polaganja stručnog ispita, stručna sprema	Napomena
1	2	3	4	5	6	7